

Թեամբ 'ի Քրիստոս (1818) 'ի 22 Օգոստոսի, վարեալ զիշխանութիւն Պատրիարքութեան, յետ ընտրութեան իւրոյ ամս 18 և յետ նստելոյ յԱթոռն ամս 16, զորոյ զմարմինն թաղեցին պատուով 'ի վանս Ս. Փրկչի 'ի կարգս Պատրիարքաց: Եւ յետ այնորիկ ժողովեալ եպիսկոպոսաց եւ վարդապետաց Աթոռոյն՝ գրեցին գիր հանրական առ Իշխանաւորս ազգին և առ Պօղոս պատրիարք, եւ թախանձանօք խնդրէին զնոյն ինքն զՊօղոս գալ նստիլ յԱթոռ Պատրիարքութեան Երուսաղէմի, և կառավարել զմիաբանութիւնն հայրական սիրով, զի բազում էին երախտիք նորին 'ի վերայ Աթոռոյն, լեալ պատճառ ազատութեան, չինութեան և պայծառութեան: Եւ ապա յաւելուն ասել, զի եթէ Պօղոս զանկարելիութիւն ցուցեալ հրաժարեսցի, և կամ ազգըն ոչ կամիցի մեկնիլ նորին 'ի Կոստանդինուպօլսոյ, փոյթ մեծ կալցին՝ զի մի ոք արտաքուստ օտարական եկեալ գահակալեսցէ, որ 'ի նախնեաց անտի և 'ի կարապետ կաթողիկոսէ նդովիւք արդիւեալ է, և լինել պատճառ կործանման Աթոռոյն և ցրուելոյ միաբանութեան, և լինիլ առակ նշաւակի առաջի օտար ազգաց, այլ մի միայն 'ի միաբանութենէ և յերեւելի յեպիսկոպոսաց Աթոռոյն զո և կամիցին ընտրել, խոստանային ամենեքեան որդիական հպատակութեամբ հնազանդիլ նմա: Եւ թէ՝ մի լիցի իրեւ զառաջինսն միացուցանել զՊատրիարքութիւնն Երուսաղէմի ընդ Կոստանդինուպօլսոյ, որ նոյնպէս արդեւեալ է, եւ որք ակորթեն և պատճառ լինին, հաղորդ են նդովից և առիթ կործանման Աթոռոյն: Եւ թէ գրել յամենայն վիճակս, զի մի 'ի պատճառս վախճանի Պատրիարքին արգելցեն զնուիրակունս 'ի պաշտօնէ իւրեանց: յայտնիկ գիրս ստորագրեալ կնքեցին 8 Եպիսկոպոսունք, 27 վարդապետք, և 17 աշխատաւոր միաբանք, բաց 'ի սարկաւազաց և 'ի դպրաց: 'ի սոյն միտս գրեցին նաեւ առ Փոխանորդն Երուսաղէմի Յակոբ վարդապետ: Քանզի 'ի կենդանութեան Թէոդորոս Պատրիարքի ոմանք յանդգաստից բամբասեալ էին զնա յականջս ազգին, իբր պահեալ առ իւր զմեծ գումարս գրամոց: Նմին իրի թորհրդական Եպիսկոպոսունք զկնի 8 աւուրց թաղման նորին, բացին զգանձարանն Պատրիարքարանին՝ զոր կնքեալ էին նախքան զաւանդումն հոգւոյ